



O'ZBEKISTON RESPUBLIKASI PREZIDENTINING QARORI

2020 yil «18» февраль

№ПҚ-4602

Ўзбекистон Республикаси Маҳалла ва оилани қўллаб-қувватлаш вазирлиги фаолиятини ташкил этиш тўғрисида

Ўзбекистон Республикаси Президентининг 2020 йил “18” февралдаги “Жамиятда ижтимоий-маънавий муҳитни соғломлаштириш, маҳалла институтини янада қўллаб-қувватлаш ҳамда оила ва хотин-қизлар билан ишлаш тизимини янги даражага олиб чиқиш чора-тадбирлари тўғрисида”ги ПФ—5938-сон Фармонига мувофиқ:

1. Қуйидагилар:

- Ўзбекистон Республикаси Маҳалла ва оилани қўллаб-қувватлаш вазирлигининг **ташкилий тузилмаси** 1-иловага мувофиқ;
- Ўзбекистон Республикаси Давлат бюджетидан молиялаштириладиган бошқарув ходимларининг умумий чекланган сони:

99 штат бирлигидан иборат Ўзбекистон Республикаси Маҳалла ва оилани қўллаб-қувватлаш вазирлиги **марказий аппаратининг тузилмаси** 2-иловага мувофиқ;

336 штат бирлигидан иборат Қорақалпоғистон Республикаси Маҳалла ва оилани қўллаб-қувватлаш вазирлиги, вилоятлар ва Тошкент шаҳар маҳалла ва оилани қўллаб-қувватлаш **бошқармаларининг намунавий тузилмаси** 3-иловага мувофиқ;

1 624 штат бирлигидан иборат туман (шаҳар) маҳалла ва оилани қўллаб-қувватлаш **бўлимларининг намунавий тузилмаси** 4-иловага мувофиқ тасдиқлансин.

2. Ўзбекистон Республикаси маҳалла ва оилани қўллаб-қувватлаш вазирига (кейинги ўринларда – вазир):

Ўзбекистон Республикаси Маҳалла ва оилани қўллаб-қувватлаш вазирлигининг (кейинги ўринларда – Вазирлик) марказий аппарати, худудий бўлинмалари тузилмаларига бошқарув ходимларининг белгиланган умумий штатлар сони ва меҳнатга ҳақ тўлаш фонди доирасида ўзгартиришлар киритиш;

Вазирлик фаолиятини самарали ташкил этиш, унга юклатилган вазифаларни ўз вақтида ва сифатли амалга ошириш учун хорижий ихтисослаштирилган институтлар ва компаниялар ҳамда хорижий мутахассис ва эксперtlарни, шу жумладан шартнома асосида жалб қилиш хуқуқи берилсин.

3. Белгилаб қўйилсинки, **тиббий ва транспорт хизмати қўрсатиш шароитларида** кўра вазирнинг биринчи ўринбосари – вазирга ҳамда Вазирлик ҳудудий бўлинмалари бошликлари биринчи ўринбосарлари – Вазирлик ҳудудий бўлинмалари бошликларига **тengлаштирилади**.

4. Вазирлик ҳамда унинг ҳудудий бўлинмаларининг фаолиятини **молиялаштириш манбалари** этиб қўйидагилар белгилансин:

Ўзбекистон Республикаси Давлат бюджети маблағлари;

Вазирликнинг бюджетдан ташқари маблағлари;

фаолият йўналиши бўйича амалга ошириладиган ишларни бажариш ва хизматлар қўрсатишдан тушадиган тушумлар;

жисмоний ва юридик шахсларнинг хайрия ҳомийлик маблағлари;

халқаро молия институтлари ва хорижий ташкилотлар грантлари;

қонун ҳужжатларида тақиқланмаган бошқа манбалар.

5. Ўзбекистон Республикаси Вазирлар Маҳкамаси **икки ой муддатда** Ўзбекистон Республикаси Маҳалла ва оилани қўллаб-куватлаш вазирлиги тўғрисидаги низомни тасдиқласин.

6. Ўзбекистон Республикаси Президенти ҳузуридаги Давлат хизматини ривожлантириш агентлиги истиқболли кадрларни Миллий кадрлар резервига кўшиш учун танлов саралашларини ташкил қилишда фуқароларнинг ўзини ўзи бошқариш органларида фаолият қўрсатаётган ходимларни ҳам инобатга олсин.

7. Вазирлик **икки ой муддатда**:

марказий аппарати ва ҳудудий бўлинмаларнинг Вазирликка юклangan вазифаларни профессионал даражада бажаришга қодир бўлган, зарур назарий билим ва амалий кўникмаларга эга юқори малакали кадрлар билан тўлдирилишини;

таркибий ва бўйсунувидаги бўлинмалар тўғрисидаги низомлар, шунингдек, ходимларнинг лавозим йўриқномалари тасдиқланишини таъминласин.

8. Белгилансинки, Вазирлик ва унинг ҳудудий бўлинмалари ўзларига юклатилган функцияларга мувофиқ белгиланганд тартибда қўйидаги хукукларга эга:

Вазирликка тегишли вазифаларни амалга ошириш учун, зарур ҳолларда, давлат органлари, илмий муассасалар ва бошқа ташкилотларнинг раҳбарлари ҳамда мутахассисларини жалб қилиш, ишчи гурухлар тузиш;

Вазирлик ваколатига кирувчи масалалар юзасидан давлат органлари ва ташкилотлардан статистик, таҳлилий материаллар, хулосалар ва бошқа маълумотларни сўраш ва олиш;

давлат органлари ва ташкилотлар раҳбарлариға фуқароларнинг ўзини ўзи бошқариш органлари тўғрисидаги қонун ҳужжатлари бузилиши, уларни келтириб чиқарувчи сабаб ва шарт-шароитларни бартараф этиш бўйича кўриб чиқилиши мажбурий бўлган тақдимномалар киритиш;

фуқароларнинг ўзини ўзи бошқариш органлари хукуклари ва қонуний манфаатларини қўзлаб судларга ариза (шикоят) ва даъволарни киритиш;

фуқароларнинг ўзини ўзи бошқариш органлари фаолиятини қўллаб-куватлашга доир ташабbusлар билан чиқиш ҳамда таклифлар киритиш.

9. Ўзбекистон Республикаси Иқтисодиёт ва саноат вазирлиги, Молия вазирлиги, Курилиш вазирлиги, Марказий банки, Савдо-саноат палатаси, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларининг:

ҳар бир маҳаллада тадбиркорлик субъектлари – юридик шахсларни (кейинги ўринларда – инвесторлар) фаол жалб қилиш ҳисобига фуқароларнинг ўзини ўзи бошқариш органи комплексини (кейинги ўринларда – комплекс) давлат-хусусий шериклик шартлари асосида куриш;

фуқароларнинг ўзини ўзи бошқариш органларининг моддий-иктисодий асосларини мустаҳкамлаш, аҳолини иш билан таъминлаш борасидаги имкониятларини кенгайтириш мақсадида фуқаролар йиғинларига тадбиркорлик фаолиятини амалга ошириш учун ижтимоий дастурлар, шу жумладан “**Ҳар бир оила – тадбиркор**” дастури, “**Хунармандчиликни ривожлантириш дастури**”, “**Yoshlar – kelajagimiz**” дастури асосида имтиёзли кредитлар ажратиш тўғрисидаги таклифлари маъқуллансин.

10. Куйидагилар комплексларни куриш учун давлат-хусусий шерикликнинг **асосий шартлари** этиб белгилансин:

инвесторларга маъқулланган намунавий лойиҳаларга мувофиқ комплексларни барпо этиш, шунингдек, тегишли инфратузилма қуриш учун зарур ер участкалари тўғридан-тўғри (танлов савдоларини ўтказмасдан) шартномалар асосида ҳақ ундирилмасдан ажратилади (Қорақалпоғистон Республикаси ва вилоятлар марказлари ҳамда Тошкент шаҳридаги ер участкалари бундан мустасно);

комплексларни қуриш учун ер участкаларини танлаб олиш маҳаллий ижро этувчи ҳокимият органлари томонидан Вазирлик билан келишилган ҳолда амалга оширилади;

инвесторларга тадбиркорлик фаолиятини амалга ошириш учун (келишув бўйича ёки комплекслар билан бир бинода ёхуд бошқа жойда) жойнинг ташқи меъморий қиёфасига мос келадиган, қурилиш учун ажратилган комплекслардан кичик бўлмаган майдонга эга бўлган комплексларга туташ қўшимча шунга ўхшаш объектлар ҳам ажратилади. Бунда мазкур объектларнинг фаолият кўрсатиши фуқаролар йиғинларининг иши учун нокулайликлар яратмаслиги керак;

инвесторнинг ҳуқуқ ва мажбуриятлари, комплексларга туташ объектларда амалга оширилиши мумкин бўлган фаолият турлари ва йўналишлари, шунингдек, комплексларнинг қурилиши бўйича давлат-хусусий шерикликнинг бошқа шартлари Вазирлик томонидан ишлаб чиқиладиган намунавий шакллар бўйича инвестор ва маҳаллий ижро этувчи ҳокимият органлари ўртасида тузиладиган келишувларда акс эттирилади;

комплекслар давлат-хусусий шериклик тўғрисидаги келишувда қатъий белгиланган муддатларда ва тартибда маъқулланган лойиҳалар асосида, туташ худуд обод қилинишини назарда тутган ҳолда курилади;

курилиши тугалланган комплекслардан кейинчалик фойдаланиш тартиби давлат-хусусий шериклик тўғрисидаги келишув билан белгиланади;

инвестор томонидан ушбу банднинг тўртинчи хатбошисига мувофиқ курилган қўшимча объектлар фойдаланишга топширилган санадан бошлаб **3 йил муддатга** тегишли равишда ушбу қарор доирасида тақдим этиладиган ер участкасига ва унда курилган кўчмас мулкка нисбатан ер солиги ва мол-мулк солиғининг, шунингдек, мазкур объектларда амалга ошириладиган тадбиркорлик фаолиятидан олинадиган фойда ёки тушумларга нисбатан фойда солиги ҳамда айланмадан олинадиган солиқнинг белгиланган солиқ ставкаси **50 фоизга камайтирилган ҳолда** тўланади.

11. Фуқароларнинг ўзини ўзи бошқариш органларига комплекслардаги фойдаланилмаётган хоналарни ижарага бериш тўғрисида икки томонлама шартномаларни мустақил равишда келиб тушаётган маблағларни кейинчалик ўзларининг ҳисобварағига ўтказган ҳолда тузиш ҳамда мазкур маблағлардан фақат комплексларни сақлаш ва ободонлаштириш харажатларини қоплаш учун сарфлаш хуқуки берилсин.

12. Белгилаб қўйилсинки:

инвесторларни танлаб олишнинг асосий мезонлари комплексларни куриш муддати, таклиф этиладиган капитал қўйилмалар ва инвестициялар ҳисобланади;

инвесторнинг ташаббуси бўйича келишув бекор қилинганда, унинг комплекслар қурилишига сарфланган харажатлари қопланмайди, қурилиши тугалланмаган объект давлат мулкига ўтказилади ва ушбу қарорга мувофиқ инвесторларни қидириб топиш қайтадан ўтказилади;

қурилаётган комплексларнинг зарур ташқи муҳандислик-транспорт коммуникацияларини олиб келиш комплекслар қурилиши учун давлат-хусусий шериклик тўғрисидаги келишувда белгиланган муддатларни ҳисобга олган ҳолда электр таъминоти, газ таъминоти ва алоқа қисми бўйича “Худудий электр тармоқлари” АЖ, “Ўзтрансгаз” АЖ ва “Ўзбектелеком” АК маблағлари ҳисобидан, автомобиль йўллари қуриш қисми бўйича, сув таъминоти ва канализация Қорақалпоғистон Республикаси бюджетининг, вилоятлар ва Тошкент шаҳар, туман ва шаҳарлар маҳаллий бюджетларининг қўшимча манбалари ҳисобидан амалга оширилади;

комплексларни мебель, техника, бошқа ускуна ва инвентарь билан жиҳозлаш Ўзбекистон “Маҳалла” хайрия жамоат фонди маблағлари, грантлар, кредитлар, Қорақалпоғистон Республикаси бюджетининг, вилоятлар ва Тошкент шаҳар, туман ва шаҳарлар маҳаллий бюджетларининг қўшимча манбалари ҳамда қонун хужжатлари билан тақиқланмаган бошқа маблағлар, шунингдек, инвесторлар рози бўлган тақдирда, уларнинг ўз қўйилмалари ҳисобидан амалга оширилади.

13. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари:

а) уч ой муддатда потенциал инвесторларни танлаб олишни ҳамда улар билан комплексларни ушбу қарорда ва намунавий келишувда белгиланган давлат-хусусий шериклик шартлари асосида қуриш тўғрисидаги келишувлар тузилишини таъминласин;

б) инвесторлар бўлмаган тақдирда, ҳар бир маҳаллада комплекслар курилишини Қорақалпоғистон Республикаси бюджетининг, вилоятлар ва Тошкент шаҳар, туман ва шаҳарлар **маҳаллий бюджетларининг қўшимча манбалари ҳисобидан** ташкил этсин;

в) Вазирлик, Курилиш вазирлиги ва Ўзбекистон “Маҳалла” хайрия жамоат фонди билан биргаликда **2020 йил 1 июлга** қадар:

Қорақалпоғистон Республикаси, вилоятлар ва Тошкент шаҳар, туман ва шаҳарлар марказларида “**Маҳалла маркази**” **мажмуалари биноларини** намунавий лойиҳалар ва уларга қўйилган талаблар асосида куриш (реконструкция қилиш, таъмирлаш), шунингдек, уларни зарур мебель жамланмаси, компьютер техникаси билан жиҳозлаш;

“Маҳалла маркази” мажмуаларида Вазирlikning ҳамда Ўзбекистон “Маҳалла” хайрия жамоат фондининг ҳудудий бўлинмаларини жойлаштириш ишларини якунласин.

14. Вазирлик:

а) **бир ой муддатда** Ўзбекистон Республикаси Адлия вазирлиги билан биргаликда комплексларнинг давлат-хусусий шериклик шартлари асосида курилиши тўғрисидаги **намунавий келишув** лойиҳаси ишлаб чиқилишини;

б) **икки ой муддатда** Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргаликда **2020-2022 йилларга мўлжалланган ҳар бир маҳаллада комплексларни ташкил этиш бўйича манзилли дастурни** тасдиқлаш ҳақида Ҳукумат қарори лойиҳасини Вазирлар Маҳкамасига киритсин;

в) Ахборот технологиялари ва коммуникацияларини ривожлантириш вазирлиги ва Ўзбекистон “Маҳалла” хайрия жамоат фонди билан биргаликда:

2020 йил 1 июнга қадар Вазирлик, унинг ҳудудий бўлинмалари ҳамда фуқароларнинг ўзини ўзи бошқариш органлари учун зарур ахборот тизимлари ва электрон маълумотлар базаларини ишлаб чиқиш, жорий этиш ва интеграция қилиш концепцияси, техник-иктисодий ҳисоб-китоби ва техник топшириги тайёрланишини ҳамда тасдиқлаш учун белгилланган тартибда киритилишини;

тасдиқланган концепция, техник-иктисодий ҳисоб-китоб ва техник топшириқ асосида **2021 йил 1 январга** қадар – Вазирлик, унинг ҳудудий бўлинмалари, шунингдек, **2022 йил 1 январга** қадар – фуқароларнинг ўзини ўзи бошқариш органлари учун ахборот тизимлари ва электрон маълумотлар базалари ишлаб чиқилиши ҳамда жорий этилишини;

2020 йил 1 июлга қадар – Вазирлик, унинг ҳудудий бўлинмаларини, шунингдек, **2021 йил 1 июлга** қадар – фуқароларнинг ўзини ўзи бошқариш органларини юқори тезликдаги Интернет тармоғига уланишини ҳамда зарур алоқа, жумладан Вазирlikни ҳукумат алоқаси билан таъминласин;

г) Ўзбекистон Республикаси Ички ишлар вазирлиги, бошқа манбаатдор вазирлик ва идоралар билан биргаликда **2020 йил 1 июнга** қадар “Маҳалла” электрон маълумотлар базасини янада такомиллаштириш, ахборот хавфсизлигини таъминлаш ва ўзаро маълумот алмашинувини жорий этиш чораларини кўрсинг.

15. Вазирлик бошқарув ходимларининг Ягона тариф сеткаси бўйича меҳнатга ҳақ тўлашнинг тасдиқланган разрядларига мувофиқ лавозим маошини белгилашда тариф коэффициенти марказий аппаратда – **2 бараварга**, Қорақалпоғистон Республикаси Маҳалла ва оилани қўллаб-қувватлаш вазирлиги, вилоятлар ва Тошкент шаҳар маҳалла ва оилани қўллаб-қувватлаш бошқармаларида – **1,5 бараварга**, туман (шаҳар) маҳалла ва оилани қўллаб-қувватлаш бўлимларида – **1,3 бараварга** оширилган миқдорда қўлланилиши белгилансин.

Мазкур бандда назарда тутилган тадбирларни амалга ошириш билан боғлиқ харажатлар Ўзбекистон Республикаси Давлат бюджети маблағлари ҳисобидан амалга оширилади.

16. Вазирлик Тошкент шаҳри, Яшнобод тумани, Истиқлол кўчаси, 51-й манзили бўйича оператив бошқарув ҳукуқи асосида жойлаштирилсин.

17. Ўзбекистон Республикаси Молия вазирлиги:

2020 йилда ушбу қарорни амалга ошириш доирасида Вазирликнинг харажатлари учун Ўзбекистон Республикасининг “2020 йил учун Ўзбекистон Республикасининг Давлат бюджети тўғрисида”ги Қонунига ўзгартириш ва қўшимчалар киритиш бўйича Вазирлар Маҳкамасига таклифлар киритсин;

Ўзбекистон Республикасининг “2020 йил учун Ўзбекистон Республикасининг Давлат бюджети тўғрисида”ги Қонунига тегишли ўзгартириш ва қўшимчалар киритилгунга қадар Вазирлик фаолиятини амалга ошириш билан боғлиқ харажатлар учун маблағ ажратиш чораларини кўрсинг;

2021 йилдан бошлаб ҳар йили Ўзбекистон Республикаси Давлат бюджети параметрларида зарур маблағларни кўзда тутсин.

18. Вазирлик манфаатдор вазирлик ва идоралар билан биргаликда **икки ой муддатда** конун хужжатларига ушбу қарордан келиб чиқадиган ўзгартиш ва қўшимчалар тўғрисида Вазирлар Маҳкамасига таклифлар киритсин.

19. Мазкур қарор ижросини ташкил этишнинг қуйидаги тартиби ўрнатилсин:

Ўзбекистон Республикаси маҳалла ва оилани қўллаб-қувватлаш вазири – ушбу қарорда белгилangan вазифаларни ўз вактида ва сифатли амалга оширишда масъул ташкилотларга услубий ва амалий ёрдам кўрсатсан, чора-тадбирлар ижроси бўйича юзага келадиган жорий масалалар тезкорлик билан ҳал этилишини таъминласин ҳамда ҳар чоракда Вазирлар Маҳкамасига ушбу қарорнинг амалга оширилиши жараёни ҳақида батафсил маълумот тақдим этсин;

Қорақалпоғистон Республикаси Вазирлар Кенгashi Раиси, вилоятлар ва Тошкент шаҳар ҳокимлари – ҳар бир маҳаллада давлат-хусусий шериклик шартлари асосида комплекслар қурилишини, инвесторлар танлаб олинишини, инвесторлар бўлмаган тақдирда, комплекслар Қорақалпоғистон Республикаси бюджетининг, вилоятлар ва Тошкент шаҳар, туман ва шаҳарлар маҳаллий бюджетларининг қўшимча манбалари ҳисобидан қурилишини таъминласин;

масъул вазирлик, идора ва ташкилотлар раҳбарлари – ушбу қарорда назарда тутилган тадбирларни ўз вактида, тўлиқ ва сифатли бажариш юзасидан барча зарур чораларни амалга оширсин;

Ўзбекистон Миллий ахборот агентлиги бош директори А.К. Кўчимов, Ўзбекистон Миллий телерадиокомпанияси раиси вазифасини бажарувчи А.Д. Хаджаев ҳамда Ўзбекистон Республикаси Президенти Администрацияси хузуридаги Ахборот ва оммавий коммуникациялар агентлиги директори – ушбу қарорнинг мазмун-моҳияти ва аҳамиятини мунтазам ёритиб борсин.

20. Ушбу қарорнинг ижросини назорат қилиш Ўзбекистон Республикасининг Бош вазири А.Н. Арипов ва Ўзбекистон Республикаси Президенти Администрацияси раҳбари З.Ш. Низомиддинов зиммасига юклансин.

**Ўзбекистон Республикаси
Президенти**



Ш.Мирзиёев


Тошкент шахри

Ўзбекистон Республикаси Президентининг
2020 йил “18” февралдаги ПҚ-4602-сон қарорига
1-илова

Ўзбекистон Республикаси Маҳалла ва оилани қўллаб-қувватлаш вазирлиги ТАШКИЛИЙ ТУЗИЛМАСИ



**Ўзбекистон Республикаси Маҳалла ва оилани қўллаб-куватлаш вазирлиги
МАРКАЗИЙ АППАРАТИНИНГ ТУЗИЛМАСИ**




Бошқарув ходимларининг умумий чекланган сони – 99 штат бирлиги.

* Марказий аппаратнинг умумий штат бирлигига кирмайди.

**Қорақалпоғистон Республикаси Маҳалла ва оилани қўллаб-қувватлаш вазирлиги,
вилоятлар ва Тошкент шаҳар маҳалла ва оилани қўллаб-қувватлаш бошқармаларининг
НАМУНАВИЙ ТУЗИЛМАСИ**

**Қорақалпоғистон Республикаси Вазирлар Кенгаши Раиси ўринbosари –
маҳалла ва оилани қўллаб-қувватлаш вазири, вилоятлар ва Тошкент шаҳар
ҳокимлари ўринbosарлари – маҳалла ва оилани қўллаб-қувватлаш
бошқармалари бошлиқлари ***




Бошқарув ходимларининг умумий чекланган сони – **21-27** штат бирлиги, жами – **336** штат бирлиги.

* Вазирликнинг (бошқарманинг) умумий штат бирлигига кирмайди.

Ўзбекистон Республикаси Президентининг
2020 йил “18” февралдаги ПҚ-4602-сон қарорига
4-илова

Туман (шахар) маҳалла ва оиласи қўллаб-қувватлаш бўлимларининг НАМУНАВИЙ ТУЗИЛМАСИ



Бошқарув ходимларининг умумий чекланган сони – 7-9 штат бирлиги, жами – **1 624** штат бирлиги.

* Бўлимнинг умумий штат бирлигига кирмайди.

